



Universitätsbibliothek Paderborn

**De Virtvtvm Adeptione, Siue De Instrvmentis
Assequendæ Virtvtis libellus R. P. Iacobi Alvarez De Paz
Toletani è Societate lesv**

Álvarez de Paz, Jacobo

Coloniae Agrippinae, 1615

§. 3. De Contemplatione.

[urn:nbn:de:hbz:466:1-46634](#)

De Contemplatione §. III.

Contemplatio, est simplex in-
citio veritatis, quæ ab amore in-
choat, & ad Deum diligendum,
& sæculum despiciendum inclinat. Ad-
iungitur fidei, quoniam contempla-
tio Christiana est de rebus à fide tra-
ditis: secundum illud Pauli: Non ^{2. Cor. 4.}
_{18.} contemplantibus nobis quæ videntur,
sed quæ non videntur: Quæ enim vi-
dentur, temporalia sunt; quæ autem
non videntur, æterna. Fides etiam
contemplatione, quæ actus est sapi-
entiae, roboratur, & ad despicien-
dum mundum erigitur. Quare de
Moysè dicitur, quod fide grandis fa-
ctus prætulit thesauro Aegyptiorum,
improperium Christi, quia aspicio-
bat in remunerationem.

Incitamenta cōtemplationis sunt:
I. Pulchritudo Dei, & Christi, & re-
rum æternarū, quæ oculo cōtempla-
tionis videmus. Si enim magnæ vo-
luptatis est, videre solē, lunā, & stel-
las, & reliqua sēfui subiecta, q̄ oculis
corporeis cernuntur; quāto delectabi-
lius erit, Deū & cœlestia contéplari?

56 DE VIRTUTE FIDIS.

Albert.
de virt.
cap. 13.

II. Inducere nos debet, inquit Albertus, suauitas, quæ in contemplatione percipitur; admirabilis perfectio, quæ ibi addiscitur: principium omnis beatitudinis, quod ibi reperitur. Fons enim omnis beatitudinis, summus Deus, ibi cognoscitur; & quod verè cognoscitur, hoc amatur; & quod verè amatur, hoc desideratur, & pro eo obtinendo laboratur; & pro quo studiosè laboratur; hoc tandem acquiritur, cumq; acquistum fuerit, cum delectatione interminabili possidetur.

III. Exemplum Christi Saluatoris nostri, qui, ut notauit Gregorius,
Greg. G.
mer. e. 73. noctes insomnes ducebat, in eisque orationi Dei, id est, altissimæ contemplationi, operam dabat. Exemplum item Apostolorum, quorum conuersatio, teste Paulo, in coelis erat, nec sollicitudine omnium Ecclesiarum impediebantur: exemplum tandem omnium Sanctorum, qui ita contemplationi addicti fuerunt, ut hanc suam hæreditatem, ac præcipuum possessionem esse, ipso opere testarentur.

Acti-

Actiones contemplationis sunt : I.
Relictis omnibus exterioribus, intellectu, & affectu, ac depositis cunctis discursibus. & ratiocinationibus, in simplici Dei notione quiescere. Quam, quia actio quædam uniformis est, comparat Dionysius motui circulari, propter ipsius motus uniformitatem.

Dion. c.
4 de di-
ui. nom.

II. Ex cognitione rerum exteriorum aut sensibilium, ad notitiā intelligibilium, & præcipue ipsius Dei, peruenire, ibi q; sine discursu filere. Quæ quia procedit de uno in aliud, comparatur motui recto, quo corpus mouetur à loco deorsum in locum sursum, vel è contrà.

p. i.

III. Ex una cognita, ut extoto, aut ex contrario, ad alterius cognitionem, ut ad notionem partis, vel alterius contrarij, ratiocinando peruenire, ibique intellectu quiescere. Quæ comparatur motui obliquo. Et secundū diversa, quæ cognoscuntur, Ricardus ex alijs diversi motus obliqui contē- lib. i. de plationis assignantur, ut videre est in *contempl.* Ricardo, lib. i. de contemplatione. cap. 5..

57 DE VIRTUTE FIDELI.

IV. Ex parte materiæ contemplatæ, multæ actiones contemplationis assignantur. 1. versatur circa diuinam maiestatem eiusque attributa. 2. circa Christi Saluatoris vitam & mortem. 3. circa beneficia diuina. 4. circa nobilitatem patriæ cœlestis. 5. circa sanctorum, & totius Ecclesiæ virtutes & dona. 6. circa essentiam & proprietates rerum creatarum. 7. circa nosmetipos, & si quæ sunt alia, quæ ad hæc capita non referantur, de quibus suo loco pleniùs dicetur.

*In Petri.
Psalm.
144.*

Postulatio contemplationis. *Dominine Iesu Christe, Deus & homo, qui qua Deus, ipsa pulchritudo es, & qua homo, in quem desiderant Angeli prospicere, & speciosus forma præfilijs hominum, perfice fidem, a te nobis infusam, dono sapientiæ tuæ, & quatenus nobis expedit, donum contemplationis attribue, ut dum te summum bonum nostrum, & summum pulchrum esse cognoscimus, te ardentissime amemus, & nosmetipos ac omnia visibilia contemnamus. Amen.*

De